

Na osnovu člana 15. Zakona o principima lokalne samouprave („Sl.novine FBiH“, broj: 49/06) i člana 37. Odluke o izvršenju Budžeta Općine Cazin za 2017. godinu (“Službene novine općine Cazin”, broj: 1/17), na prijedlog Službe za opću upravu i društvene djelatnosti, Gradonačelnik

## **P R A V I L N I K**

o dodjeli stipendija redovnim studentima grada Cazin za akademsku  
2017/2018 godinu

### **I OSNOVNE ODREDBE**

#### Član 1.

Ovim pravilnikom se uređuje pravni odnos između gradske uprave Cazin kao davaoca stipendije (u daljem tekstu: stipenditor) i redovnih studenata grada Cazin, kao korisnika stipendije (u daljem tekstu: stipendist), a naročito: način dodjele stipendija, prava i obaveze stipendista i način ostvarivanja tih prava, te prava i obaveze stipenditora.

#### Član 2.

Studenti grada Cazin, redovno upisani na fakultetima i višim školama u Bosni i Hercegovini imaju pravo podnijeti zahtjev za dodjelu stipendije pod uslovima i na način propisan ovim pravilnikom, a u granicama budžetom predviđenih sredstava grada za tu namjenu .

Sredstva predviđena budžetom korišće se za stipendiranje studenata u 100% iznosu.

#### Član 3.

Izbor stipendista vrši se na osnovu konkursa koji raspisuje Gradonačelnik po usvajanju Budžeta, za akademsku 2017/2018 godinu, a koji se objavljuje u sredstvima javnog informisanja.

#### Član 4.

Postupak izbora kandidata po konkursu provodi Komisija za provođenje konkursa za dodjelu stipendija koju imenuje Gradonačelnik.

Komisiju čine predsjednik i dva člana

Komisija za dodjelu stipendija je dužna razmotriti sve prispjele zahtjeve i utvrditi rang listu kandidata prijavljenih na Konkurs koja se ističe na oglasnoj ploči grada Cazin i dostavlja Službi za opću upravu i društvene djelatnosti.

#### Član 5.

Služba za opću upravu i društvene djelatnosti vrši izbor stipendista u skladu sa utvrđenom i objavljenom rang listom Komisije za dodjelu stipendija.

## I I USLOVI ZA DODJELU STIPENDIJA

### Član 6.

Na raspisani konkurs za dodjelu stipendija mogu se prijaviti kandidati koji imaju prebivalište na području grada Cazin, a koji su redovni studenti na fakultetima ili višim školama u Bosni i Hercegovini.

U jednoj akademskoj godini iz jednog domaćinstva može biti najviše jedan korisnik gradske stipendije.

### Član 7.

Studenti koji su apsolventi, kao i studenti koji obnavljaju godinu ili su već korisnici stipendija drugih pravnih subjekata ne mogu konkurisati za stipendiju, niti će njihove molbe biti uzete u razmatranje.

### Član 8.

Stipendija bez bodovanja dodjeljuje se :

- studentima bez oba roditelja,
- studentima sa utvrđenim stepenom invalidnosti,
- studentima koji su osvojili medalje na međunarodnim sajmovima patenata, inovacija i novih tehnologija,
- studentima sportistima koji se takmiče u premijer i prvoj ligi Federacije i državnoj reprezentaciji,
- studentima čiji je prosjek ocjena iznad 9,5 i studentima I godine studija koji su u srednjoj školi proglašeni učenikom generacije.

pod uslovom da ne obnavljaju godinu i da nisu korisnici stipendije kod drugih pravnih subjekata.

### Član 9.

Broj bodova se utvrđuje na osnovu slijedećih kriterija:

#### **a) po osnovu uspjeha;**

1. **Studenti prve godine** studija: prosječna ocjena uspjeha u zadnjoj godini srednje škole pomnožena sa brojem **8** ..... \_\_ bodova

2. **Studenti druge i narednih godina**, prosječna ocjena svih položenih ispita pomnožena sa brojem **5** ..... \_\_ bodova

## **b) po osnovu socijalnog statusa;**

1. Studenti djeca šehidskih porodica .....  
**49** bodova
2. Studenti bez jednog roditelja čiji je prihod po članu domaćinstva **ispod 1/5 prosječne plate u FBiH** ..... **46** bodova
3. Studenti **RVI-a** sa procentom invalidnosti preko **60 %** i civilne žrtve rata čiji je prihod po članu domaćinstva **ispod 1/5 prosječne plate u FBiH** .....**45** bodova
4. Studenti djeca **RVI-a ispod 60 %** i djeca **demobilisanih** boraca gdje su oba roditelja nezaposlena ..... **44** bodova
5. Studenti čija su **oba roditelja nezaposlena**, i **primaoci socijalne pomoći** ..... **43** bodova
6. Studenti gdje je prihod po članu domaćinstva **ispod 1/10 prosječne plate u FBiH** ..... **41** bodova
7. Studenti gdje je prihod po članu domaćinstva **ispod 1/5 prosječne plate u FBiH** ..... **40** bodova

**Bodovi po osnovu socijalnog statusa ostvaruju se po jednom osnovu.** Ukoliko dva kandidata imaju **isti broj** bodova prednost se daje kandidatu koji ima **više bodova po osnovu socijalnog statusa**. Ako i tad broj bodova bude isti komisija odlučuje na osnovu utvrđenog stanja na terenu o čemu će sačiniti zapisnik

Prosječna plata u Federaciji uzima se prema zadnjim objavljenim podacima Federalnog zavoda za statistiku.

## **III VISINA STIPENDIJE**

### Član 10.

Kandidat čija je molba za stipendiju pozitivno riješena, stiče pravo na stipendiju nakon potpisanog Ugovora o stipendiranju između stipenditora i stipendiste odnosno roditelja ili staratelja.

Ugovor se potpisuje za 10 mjeseci računajući od početka akademske godine.

### Član 11.

Visina stipendije za studente utvrdiće se na osnovu broja podnesenih prijava za dodjelu stipendije i iznosa planiranih grant sredstava.

## **IV PRAVA I OBAVEZE**

### Član 13.

Studenti (stipendisti) dužni su da redovno prate nastavu, odnosno da u predviđenom roku polože odgovarajuće ispite i regulišu i druge obaveze predviđene zakonom, što dokazuju odgovarajućim aktom obrazovne institucije.

#### Član 14.

Stipenditor može raskinuti Ugovor o stipendiranju prije ugovorenog roka i zahtjevati povrat primljenih stipendija od stipendista, odnosno njihovih roditelja ili staratelja, u slijedećim slučajevima:

- ako korisnik stipendije svojom krivnjom prekine redovno školovanje;
- ako korisnik stipendije primi stipendiju od drugog davaoca;
- ako korisnik izgubi status redovnog studenta;
- ako korisnik stipendije neistinито prikaže uslove na temelju kojih je ostvario pravo na stipendiju.

Komisija za dodjelu stipendija je u mogućnosti da utvrđuje istinitost prikazanih uslova za ostvarenje prava na stipendiju, i o tome može da sačini službenu zabilješku.

### **V ZAVRŠNE ODREDBE**

#### Član 15.

Stipendista općinske uprave Cazin, ne može biti uživatelj stipendije od strane drugih pravnih subjekata.

#### Član 16.

Od povrata stipendije, iz člana 14. ovog Pravilnika, oslobođeni su studenti bez oba roditelja i djeca pod starateljstvom, djeca sa tjelesnom, mentalnom i senzornom ometenošću.

#### Član 17.

U slučaju odbijanja zahtjeva za dodjelu stipendije, podnosilac zahtjeva ima pravo žalbe.

Žalba se podnosi Gradonačelniku u roku od 8 dana od dana objavljivanja utvrđene liste korisnika stipendija od strane Službe za opću upravu i društvene djelatnosti na oglasnoj ploči grada Cazin.

Odluka Gradonačelnika po žalbi je konačna.

#### Član 18.

Pravilnik stupa na snagu danom donošenja.

Stupanjem na snagu ovog Pravilnika prestaje primjena odredaba ranijeg Pravilnika o dodjeli stipendija redovnim studentima i učenicima općine Cazin broj: 01/N-38-4153/16 od 25.03.2016. godine .

Obradivač:

Služba za opću upravu  
i društvene djelatnosti  
Hasan Salkić. prof.

GRADONAČELNIK:  
mr. Ogršević Nermin

Broj: 01/GN-38-14595/17  
Cazin, 25.10.2017.godine